

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13), na prijedlog Ministarstva za privredu, Vlada Zeničko-dobojskog kantona, na 171. sjednici, održanoj 03.07.2014. godine, d o n o s i

ODLUKU

o odobravanju finansijskih sredstava Općini Visoko za izradu Studije opravdanosti uspostavljanja javno-privatnog partnerstva za izgradnju reciklažnog dvorišta i transfer stanice

Član 1.

(Predmet)

Odobravaju se finansijska sredstva Općini Visoko u iznosu od 30.000,00 KM (slovima: tridesethiljada konvertibilnih maraka), na ime troškova izrade Studije opravdanosti uspostavljanja javno-privatnog partnerstva za izgradnju reciklažnog dvorišta i transfer stanice na području općine Visoko.

Član 2.

(Ekonomski kod)

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2014. godinu, razdjel 18, budžetska organizacija 01, potrošačka jedinica 0001, ekonomski kod 614 100, pozicija «Tekući transferi općinama za provođenje projekata prema Zakonu o javno-privatnom partnerstvu», na žiro-račun broj: 1990470004018370 (vrsta prihoda 732-112) kod Sparkasse Bank d.d..

Član 3.

(Obaveza korisnika sredstava)

Obavezuje se Općina Visoko da, po završetku izrade Studije opravdanosti, Ministarstvu za privredu dostavi projektnu dokumentaciju za izgradnju reciklažnog dvorišta i transfer stanice, Studiju opravdanosti uspostavljanja javno-privatnog partnerstva i izvještaj sa svim bitnim dokazima o utrošku odobrenih sredstava.

Član 4.

(Provođenje Odluke)

Zadužuju se Ministarstvo za privredu i Ministarstvo finansija da, u skladu sa zakonom i podzakonskim aktima, realizuju ovu odluku svako u okviru svojih nadležnosti.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/14.

Datum, 03.07.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,

1x Općina Visoko - putem ministarstva,

1x Ministarstvo finansija,

1x „Službene novine Zeničko-dobojskog kantona“,

1x a/a.